

Spirit of Bosnia / Duh Bosne

An International, Interdisciplinary, Bilingual, Online Journal
Međunarodni, interdisciplinarni, dvojezični, online časopis

Lice sa visokotiražnih američkih magazina

Faruk Šehić

dok hodamo kroz šumski tunel
iznad nas visi nepokretno decembarsko nebo
škilje zvijezde kroz spletove krošnji
u sedam sati navečer
ledene igle na grabovim ograncima
otpadaju i lome se po nataloženom lišću
puše jugo
sjećam se Proklete avlije
mahnitanja duhova u zraku
grane se trljaju jedna o drugu
škripe kao željusti kosturâ u kući užasa
ispod umaštene uniforme
tijelo mi je znojna opruga pritisnuta gravitacijom
i strahom
idemo u patrolu brisanim prostorom
močvarna trava je vlažna i njeni duguljasti jezičci
ližu nam šake koje stežu tamni metal pušaka
rafal svjetlećih metaka u velikom luku odlazi iza brda
kao žerdan serijski spojenih zvijezda padalica
ne mislim da će meni ispuniti želje
u tupom tijelu što misli na toplinu vatre, cigare i hranu
na Azrino lice koje ne uspijevam sastaviti u mislima
na ulicu Maršala Tita broj 89 iz koje sam istjeran
na flašu karlovačkog piva od pola litre koju često sanjam
kao metaforu slobode
došli smo do pružnog nasipa
kamenje je premazano mekim injem
moje stražarsko mjesto je baš tu
anonimno i beznačajno kraj drvenog praga
gledam površinu Une namreškane sitnim valovima
gustu vodenu tamu
rat je, kažu, revolucija u najistijem obliku
moj did Bećo Šehić je 1933. osnovao čeliju KP u Bosanskoj Krupi
zajedno sa svojim bratom Ismetom dvije godine je proveo u Jasenovcu
oba su bili partizani

moj drugi did, Almas Sedi?, je sa Crvenom armijom ratovao na Sremskom frontu
ja sam u lošem ratu
poginulo mi je stotinu saboraca ?ijih se lica još uvijek sje?am
mrtvi su gomila nepoznatih imena i prezimena na drvenim nišanima
u dozlaboga lošem ratu
niko od njih ne?e ostati vje?no mlad
kao Che Guevara
lice sa visokotiražnih ameri?kih magazina.

© 2007 *Faruk Šehić*

The preceding text is copyright of the author and/or translator and is licensed under a Creative Commons Attribution-NonCommercial-NoDerivs 3.0 Unported License.